



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 88. Universitatis Parisiensis sollicitudo.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI. A.C. 1576. impressam secunda Dominica post Pascha coram Concilii Patribus Anno Incarnationis Dominicæ millesimo quingentesimo sexagesimo secundo habuit, ibidemque orthodoxas elucubravit explicationes, quæ ad nos transmissæ, decemque libris comprehensæ Anno post Virginis partum millesimo quingentesimo sexagesimo quarto Coloniensibus literis excusæ prodierunt: edidit quoque apologiam Concilii Tridentini adversus Protestantis Chemnitii librum, cui titulus: *examen Concilii Tridentini*: præterea idem scripsit tria sermonum volumina in Lusitano idiomate edita: observandum tamen venit, quod Paiva in suis orationibus potius declamatorum, quam dogmaticum egerit, nec semper in suis argumentis exactum criterium adhibuerit: interim præ omnibus ab eo scriptis solidior est confutatio Chemnitii. Denique hic Scriptor anno ætatis suæ quadragesimo septimo humanis rebus valedixit.

§. LXXXVIII.

Universitatis Parisiensis sollicitudo.

*Argentre
collect. Jud.
t. 3. p. 448.*

Die decima Novembris hoc anno Artium liberalium Facultas Parisiis habito conventu apud Sanctum Julianum de Pauperibus habito deliberabat circa duos articulos, quorum primus
Bles-

Sæcul. XVI.
A. C. 1576.

Blessensia concernebat comitia, alter vero tangebatur quorundam supplicationes, ubi Hugo Burlatus Rector volebat virum gravem deligi, qui adeat Regem, & comitiis trium Ordinum interlit: insuper petiit, ut Bibliopolæ jurejurando adstringantur, & coram Deputatis convocati jurent, ne amplius præbeant suppetias Jesuitis: si vero hoc juramentum præstare noluerint, tunc hujus suæ repulsæ rationes afferant: Feria autem quarta die decima tertia Decembris anno millesimo quingentesimo septuagesimo sexto habitis apud Mathurinos Comitiis decretum fuit, ut nonnulli seligerentur ex Academia viri, qui de illius Privilegiis, atque immunitatibus, & reliquis ad instituendæ Academicæ rationem, pristinumque illius splendorem, ac dignitatem pertinentibus in publico trium Ordinum conventu fideliter agant apud Regem: hanc in rem nominati sunt quatuor Theologi Doctores, fidei integritate, vitæ innocentia, & auctoritate præstantes, necnon acri judicio, & singulari Doctrina præditi, iique erant Pelleterius summus Regis Navarræ Moderator, Faber, San-Germanus, & de la Bigne, quorum fidei res tota fuit demandata: actum præterea est de ratione, & modo cogendi Priorem, & Cœ-

Hist. Eccles. Tom. XLIX. Cc no.

Sæcul. XVI.**A. C. 1576**

nobium Mathurinensium ad celebrandum quotannis obitum Magistri Roberti de Sorbona: quandoquidem Mathurinenses id Doctõribus Theologis nuper denegarunt, hinc sancitum, ut totum hoc, quidquid est negotii, ad Senatus auctoritatem referretur: decretum est insuper, ut Bibliopolæ prohiberentur typis mandare, aut venditioni exponere ullos depravatæ doctrinæ libros, ejusque rei fidem Rectori Academiæ jurato darent. Denique die decima septima Mensis Novembris anno millesimo quingentesimo septuagesimo sexto habita sunt privata comitia Universitatis apud Sorbonam, ubi selecti sunt ab Universitate Magistri in Theologia, qui ipsius nomine conficerent codicillos ad regiam suam Majestatem deferendos, ut hac ratione a regia Majestate precibus impetraretur, quatenus unica, vera, & sincera, Catholica nimirum, Apostolica, & Romana Religio passim in tota Gallia facta, tecta, atque inviolata servetur, adeo, ut præter illam nulla alia in Franciæ regno toleraretur: insuper petebant, ut beneficia, Magistratus, atque officia nullatenus sint venalia, sed ea viris vitæ innocentia, morumque probitate integerrimis, & singulari, eximiaque doctrina conspicuis pro suis meritis, honestæque virtutis, & laborum præ-

Sæcul. XVI.
A. C. 1576.

præmio conferantur: ad hæc cum Antonius Vivierus Parisiensis Ecclesiæ Canonicus, atque Universitatis Cancellarius quereretur, quod quidam Parisinæ Facultatis Theologicæ Licentiati honorarium, quod sibi deberi ajebat, solve-
re renuerent, hinc Senatus die vigesima quarta Mensis Novembris hanc in rem edito decreto Rectoris jura tuebatur, eique præfata asserebat honoraria, simulque præcipiebat, ut pro cuiuslibet Facultatis licentia media unius aurei pars eidem solveretur, ipsis nequidem Religiosis Mendicantibus exceptis. Idem quoque Cancellarius alio libello supplici die tertia ejusdem Mensis porrecto petebat, ut in omnibus congressibus, supplicationibus, publicisque functionibus in præfata Universitate celebrandis ipse ceteros præcedat, ac honoratiorem a Rectore locum obtineat; postremum tamen hunc articulum Senatus indecisum reliquit.

§. LXXXIX.

Torgaviense Lutheranorum conventiculum.

[nterea assiduæ dissensiones inter Germaniæ Lutheranos fervebant, quæ propter Saxonix Elector rursus ad componenda eorum dissidia hoc anno

Hospin. ad hunc annum.